



Maxmud MAJITOVA,

Termiz muhandislik-tekhnologiya instituti yoshlar masalalari va ma'nnaviy-ma'rifiy ishlar bo'yicha birinchi prorektori, PhD

E-mail: mazhitov1981@inbox.ru

Renaissance university kafedra mudiri, PhD, dotsent U.Ergashev taqrizi asosida

SHAXS VA IJTIMOIY FANLAR DIALEKTIKASI

Annotatsiya

Maqolada shaxsnii takomillashtirishda ijtimoiy fanlarni o'qitish eng muhim vositalardan biri ekanligi asoslangan. Maqolada xorijiy mamlakatlarda ijtimoiy fanlarga bo'lgan e'tibor yil sayin oshib borayotgani ochib berilgan. O'zbekistonda ijtimoiy fanlarni o'qitish tajribasi va erishilgan yutuqlar umumlashtirilgan, mavjud muammolar tahlil qilingan va ularni bartaraf etish yo'llari ifodalangan.

Kalit so'zlar: Inson, shaxs, jamiyat, muammo, ijtimoiy fanlar, ijtimoiy fanlar funksiyalari, ijtimoiy fanlarni o'qitish muammolari, ijtimoiy fanlarni o'qitishni takomillashtirish yo'llari.

ДИАЛЕКТИКА ЛИЧНОСТИ И ОБЩЕСТВЕННЫЕ НАУКИ

Annotatsiya

Статья основана на том, что преподавание общественных наук является одним из важнейших инструментов совершенствования личности человека. В статье показано, что внимание к общественным наукам в зарубежных странах растет с каждым годом. Обобщены опыт и достижения преподавания общественных наук в Узбекистане, проанализированы существующие проблемы и описаны пути их преодоления.

Ключевые слова: Человек, личность, общество, проблема, общественные науки, функции общественных наук, проблемы преподавания общественных наук, пути совершенствования преподавания общественных наук.

DIALECTICS OF PERSONALITY AND SOCIAL SCIENCES

Annotation

The article is based on the fact that the teaching of social sciences is one of the most important tools for improving a person's personality.

The article shows that attention to the social sciences in foreign countries is growing every year. The experience and achievements of teaching social sciences in Uzbekistan are summarized, the existing problems are analyzed and ways to overcome them are described.

Key words: Person, personality, society, problem, social sciences, functions of social sciences, problems of teaching social sciences, ways to improve the teaching of social sciences.

Kirish. Shaxs – ijtimoiy ahamiyatga ega bo'lgan hodisalarning individual ifodasi, ijtimoiy ahamiyatga molik xususiyatlар kombinasiysi, inson ijtimoiyligining shaklidir. Shaxs – inson ijtimoiy mohiyatining konkret ifodasidir. U insondagi insoniylik me'yorini xarakterlaydi. Shaxs – inson va jamiyat kesishgan chorrahakim, uning turli faoliyatlaridan insoniyat tarixi tarkib topadi. Mazkur tushuncha, bir tomonidan, inson ijtimoiy, ma'naviy, madaniy rivojining darajasini aks ettirsa, ikkinchi tomondan, uning ixtiyorini, o'ziga xosligini anglatadi. Shu boisdan ushbu tushuncha o'ziga xos nazarini asos vazifasini o'taydiki, uning yordamida yakka kishi rivojining darajasi, shu jarayon kamchiliklari aniqlanadi va baholanadi. Shaxsning falsafiy talqini - bu shaxs tushunchasi, uning mohiyati va inson hayoti va jamiyatdagi ahamiyatini falsafiy tadqiq etishdir. Faylasuflar shaxsni individuallik, o'z-o'zini anglash, iroda erkinligi, axloqiy va axloqiy tamoyillar, shuningdek, ijtimoiy va madaniy omillarni o'z ichiga oлgan hodisa sifatida tadqiq qiladilar. Shaxsni tushuntirishda faylasuflarni o'ylantirayotgan asosiy savollardan biri - bu shaxsmi o'ziga xos va takrorlanmaydigan qiladigan mohiyat. Faylasuflar, shuningdek, shaxsning qanday shakllanishi, qanday rivojlanishi va uning rivojlanishiga qanday omillar ta'sir qilishini o'rganadilar. Inson shaxsi mutlaqo o'zgarmas fenomen emas. Uning tarkibidan joy oлgan elementlar insонning butun umri davomida shakllanib va takomillashib boradi. Ushbu jarayon o'z-o'zidan, stixiyali ravishda kechmaydi, albatta. Shaxs tarkibiy elementlari turli shart-sharoit, omil, voqeа va hodisalar ta'sirida rivojlanadi. Inson shaxsi tabiatini mazkur shart-sharoit va omillar ta'siridan xoli holda talqin qilish biroqlama, ilmiy asoslanmagan va ob'ektivlikdan yiroq xulosalarga olib keladi.

Zamonaviy falsafa, psixologiya va pedagogikada shaxsning shakllanishi va rivojlanishi jarayoni determinizm prinsipi nuqtai nazaridan tadqiq qilinmoqda. Bizga ma'lumki, determinizm - voqelik hodisalarining aloqadorligi va o'zaro shartlanganligi haqidagi ta'lomidir. U narsa va hodisalarini konseptual va tarkibiy tahlil qilish bilan cheklanmasdan, ularni voqelikdagи boshqa jarayonlar bilan aloqadorlikda o'rganish zarurligini uqdiradi. Determinizm haqidagi tasavvurlar ilmiy uslub tarkibiga kiradi – bu tasavvurlar tadqiqotni turli shart-sharoit, sabab va qonuniyatlar, ta-biat, jamiyat va tafakkurdagi har qanday o'zgarishlarni aniqlash hamda tahlil qilish

asosida amalga oshirishga undaydi. Determinizm asosini esa sababiyat va qonuniyatlar konsepsiysi tashkil etadi [5].

Mavzuga oid adabiyotlar tahlili. Rivojlangan xorij mamlakatlarda ijtimoiy fanlarni o'rganish zamonaviy shart-sharoitlarda samarali hayot kechirish va faoliyat ko'rsatishning muhim omili sanaladi. Shu boisdan bu mamlakatlarda ijtimoiy-gumanitar fanlarni o'qitishning o'ziga xos tizimi shakllangan. Masalan, AQShda Leyk okrugi Kolleji falsafa, sotsiologiya, ijtimoiy ish, antropologiya, tarix, siyosatshunoslik va psixologiyadan mutaxassislar tayyorlaydi. Salem davlat universitetida etika, ijtimoiy siyosat, menejment, huquqshunoslik va shu kabi ta'lim yo'naliishlari mavjud. Shimoliy Dakota davlat universiteti asosiy e'tiborni sotsiologiya va oilaviy terapiyaga qaratgan. Masalan, "QS World University Ranking by Subject 2015" jahon universitetlari reytingida Garvard universiteti, Kaliforniya universiteti, Viskonsin universiteti ijtimoiy fanlarni o'qitish bo'yicha yetakchilar sifatida qayd etilgan [6].

Ilg'or universitetlar huzurida ijtimoiy bilimlarni o'zlashtirishga moyil shaxslar, hatto xorij mamlakatlarining fuqarolariga mo'ljalangan o'nlab o'quv kurslari faoliyat ko'rsatadi. Masalan, birgina Yel universitetida "World Fellows" dasturi asosidagi o'quv kurslariga har yili 3 mingdan ortiq da'vogar hujjat topshiradi [2]. Bunday kurslar yordamida fuqarolar ijtimoiy bilimlarning oshirilishi AQShda fuqarolik jamiyatining misli ko'rilmagan darajada rivojlanishiga zamim yaratdi.

Aqliy markazlar – gumanitar fanlarning ijtimoiy missiyasini yorqin namoyish etadigan fenomendir. CAP (Central Asia Program) loyihasi rahbari, fransiyalik olima Marlen Lyaruelga ko'ra, birgina Washingtonning o'zida to'rt yuzdan ziyyod aqliy markaz mavjud. AQSh poytaxti, jahon diplomatiyasining markazi bo'lmish Washington bu jihatdan gumanitar soha vakillarini ohanrabo kabi o'ziga tortayotgan maskan hisoblanadi, chunki u yerda ilmiy karera qurish va katta daromad ko'rish imkoniyati mavjud. Bu aqliy markazlardan ko'zlangan pirovard maqsad esa Markaziy Osiyo davlatlari haqida bilimlar bazasini yaratib, bu bazani "monetizatsiya" qilish, ya'ni mintaqada ishlashni istagan tijoriy tashkilotlar, siyosiy tuzilmalarga otish, qolaversa, Washington elitasida mintaqqa haqida aniq tasavvur hosil qilishdan iborat edi [3].

Ijtimoiy-gumanitar fanlarga texnokratik yondashuvning oqibatlari haqida professor Q.Nazarov quydagicha fikr bildiradi: "Asosan, g'oyaviy ta'limga qaratilgan, ma'naviy kamolot manbai bo'lgan va pirovard natijada, davlat ishlariga moyil, siyosiy yetuk avlodni tarbiyalashga yordam beradigan ijtimoiy fanlarga ham ikkinchi darajali o'quv sohasi sifatida qaraladi. Ularga nisbatan texnokratik yodashuv ustuvor bo'la boshlaydi, bu fanlarning asl tarbiyaviy funksiyasi bir chetga qolib, dars yuklamalari va baholash tizimi texnik fanlar bilan tenglashtiriladi"[3].

Tadqiqot metodologiyasi. Shaxs va ijtimouy fanlar o'rtaisdagi dialektik munosabatlarni yoritib berisha bag'ishlangan ushbu maqolada ilmiy tadqiqotning ijtimoiy-gumanitar fanlar sohasida qo'llaniladigan analiz, sintez, qiyosiy tahlil kabi metod va usullaridan samarali foydalanildi.

Tahlil va natijalar. Yevropaning qariyb barcha yetakchi oliy ta'lim muassasalari ijtimoiy fanlarni o'qitish tizimida asosiy e'tibori globallashayotgan dunyoda yuzaga kelayotgan ijtimoiy muammolarni ilm-fan pozitsiyasidan tadqiq qilishga qodir mutaxassislarini tayyorlashga qaratmoqda. Masalan, Germaniyaning yetakchi ta'lim muassasalaridan biri hisoblangan Vitten universitetida falsafa, siyosatshunoslik va iqtisodiyotning turli yo'nalishlari bo'yicha bakalavrlar va magistrler tayyorlash yo'lgan qo'yilgan [4].

Bundan tashqari Gumbolt nomidagi Berlin universitetida to'rtta falsafa fakulteti faoliyat yuritib kelmoqda [5]. Shuningdek M.V.Lomonosov nomidagi Moskva davlat universitetining Falsafa fakultetida o'ng'olti xil falsafaga oid kafedralar va oltita ilmiy-tadqiqot markazlari faoliyat obib borishmoqda [6].

Yevropa mamlakatlarda ijtimoiy fanlarni o'qitish borasida, xususan, Berlinda bir necha yillardan buyon "Yevropada gumanitar va ijtimoiy fanlar: yutuqlari va istiqbollarli" mavzuida xalqaro simpozium o'tkazish an'anaviy tus olgan [4].

Ko'rinish turibdiki, jahoning ijtimoiy taraqqiyotga yuz tutgan barcha mamlakatlarda ijtimoiy-gumanitar fanlarga bo'lgan e'tibor yil sayin yuksalib bormoqda, uning imkoniyatlari, bir tomondan, jamiyat oldida turgan muammolarni tadqiq qilishga, ikkinchi tomonдан esa, insonni shaxs sifatida shakllantirishga safarbar qilinmoqda. Bugungi kunda ijtimoiy-gumanitar fanlarni o'qitish masalasida mamlakatimizda qator masalalarni kun tartibiga qo'yish, ularni samarali va tizimli hal qilish zarur bo'ladi.

Birinchidan, ijtimoiy-gumanitar fanlarni o'qitishning uzlusiz tizimini shakllantirish va rivojlantrish zarur. Afsuski, keyingi yillarda ijtimoiy-gumanitar fanlarni uzlusiz o'qitish tizimiga darz ketdi. Umumta'lim maktabalarda berilayotgan tahsilning atigi 5 foizi ijtimoiy-gumanitar fanlarni o'qitish bilan bog'liq. Oliy ta'lim muassasalarida ham bu borada ahvol yaxshi emas. Ayni paytda mamlakatda hanuzga qadar oliy ta'limdandan keyingi davrda fuqarolarni ijtimoiy-gumanitar bilimlar bilan qurollantirishga xizmat qiluvchi o'quv kurslari, markazlar qariyb mavjud emas. Buning ustiga ta'lim tizimining turli bosqichlarida tahlil berilishi nazarda tutilgan ijtimoiy-gumanitar fanlar o'rtaida uzviylik ko'rinxaydi.

Natijada:

a) ijtimoiy-gumanitar fanlarning shaxs dunyoqarashi va ma'naviy qiyofasini insonparvarlik g'oyalari asosida shakllantirish borasidagi qudratidan foydalanilmay qolmoqda;

b) shaxs jahondagi eng zamonaviy ijtimoiy bilimlardan xabardor bo'lish imkoniyatlardan bebahra qolmoqda;

v) shaxs e'tiqodini mustahkamlash, qadriyatlarini tizimini insonparashitirish jarayoni zaiflashmoqda;

g) jamiyatda shaxsnинг ijtimoiy ahamiyatga molik fazilatlarining qaror topishi jarayoni susaymoqda, ularning shakllanishi jarayoniga tarbiyaviy ta'sir ko'rsatish imkoniyatlari kamaymoqda;

d) shaxsni ijtimoiy taraqqiyot maqsadlariga yo'naltirish, uni mamlakatda amalga oshirilayotgan ijtimoiy islohotlarga safarbar qilish vazifasi bajarilmay qolmoqda;

ADABIYOTLAR

1. Asanov E. Gumanitar fanlardan nima naf? // Tafakkur jurnali, 2021-yil 4-son.
2. Mirziyoev Sh. Yangi O'zbekiston strategiyasi. – T: O'zbekiston, 2021. – 464 b.
3. Nazarov Q. Yoshlarini g'oyasizlik balosi hurujlaridan arash – ma'naviy tarbiya ehtiyoji // "Yangilanayotgan O'zbekistonda ijtimoiy taraqqiyotni jadallashirishning falsafiy muammolari" mavzusidagi vazirlik miqyosida ilmiy-amaliy anjuman materiallari. – Termiz, 2020.
4. VI Международный симпозиум «Гуманитарные и общественные науки в Европе: достижения и перспективы».// vsenauki.ru
5. Новая философская энциклопедия. В 4-томах./ Под ред. В.Степина и Г.Семигина. Том 2. – М: Мысл, 2010. – С.631.
6. Степанович М. Изучение общественных наук в США // www. hotcourses.ru.
7. Чему учили Навального в США?// Аргументы и факты, 2018, №30.

e) shaxsni postmodern jamiyatda ildiz otayotgan salbiy tendensiyalardan voqif qilish imkoniyatlari kamaymoqda;

j) shaxsning turli g'ayriinsoniy g'oyalar ta'siriga tushib qolishi xavfi kuchaymoqda.

Ikkinchidan, oliy ta'lim muassasalarida ijtimoiy-gumanitar fanlarni o'qitishni bitta kafedrada va aniq fanlarga xos pedagogik texnologiyalar asosida amalga oshirish tajribasidan voz kechish kerak. Ijtimoiy fanlarning har biri inson shaxsining shakllanishi jarayoniga o'ziga xos ta'sir ko'rsatishga qodir. Ijtimoiy-gumanitar fanlarni o'qitishning "bir nuqtadan" umumiy, standart talablar asosida amalga oshirilishi bu fanlar o'rtaisdagi tafovutni yuvib yuboradi, ularning shaxsga ta'sirini kamaytiradi. Shuning uchun ham rivojlangan mamlakatlarda ijtimoiy-gumanitar fanlarni o'qitishga bunday yondashish deyarli uchramaydi.

Shu sababli ham bugungi kunda gumanitar bilimlarni dolzarblashtirish, soha vakillarini ijtimoiy muammolarni hal qilish jarayoniga jalb etish uchun avvalo munosabat o'zgarishi lozim: jamiyatda o'tkir akademik va ijtimoiy bahslar uyushtirilish, tarixchi, tilshunos, jamiyatshunos va boshqalarning faoliyati taftish etilishi, talablariga ko'ra ijtimoiy buyurtma shakllanishi lozim. To'g'ri qo'yilgan maqsad to'g'ri natijalarga olib borishi ma'lum [1].

Ijtimoiy-gumanitar fan o'qituvchilari o'quv yuklomasining haddan ziyyod ko'payib borayotgani talabalarni mustaqil shaxs sifatida shakllantirishda muhim ahamiyatga ega bo'lgan munozara, disput, subbat, konsultatsiya tarzida mashg'ulot o'tkazish imkoniyatlarini cheklab qo'ymoqda.

Uchinchidan, ijtimoiy-gumanitar fanlar bo'yicha ilmiy-tadqiqot institutlari va ilmiy-uslubiy markazlarni ko'paytirish kerak. Mamlakat ijtimoiy-gumanitar fanlari inson shaxsining kamol topishi jarayonini takomillashtiruvchi, uni zamonaviy tendensiyalarining salbiy ta'siridan himoya qiluvchi omilga aylanishi uchun jahondagi ilmiy jarayonlardan chetda qolib ketmasligi, yuz berayotgan ijtimoiy jarayonlarni mutanzam tadqiq etish imkoniga ega bo'lmog'i darkor.

To'rtinchidan, ijtimoiy-gumanitar fan mutaxassislarini tayyorlash tizimini ham takomillashtirish zaruriyatni mayjud. Jamiyatda sodir bo'layotgan jarayonlarni ilmiy tahlil qilib berish, ijtimoiy taraqqiyot istiqbollariga doir bashoratlar tayyorlash, fuqarolar dunyoqarashini insonparvarlik g'oyalari asosida shakllantira borish uchun mamlakatda yetarli darajada faylasuflar, sotsiologlar, siyosatshunoslari faoliyat ko'rsatmog'i darkor. Zero Prezident Shavkat Mirziyoev ta'biri bilan aytganda: "...ijtimoiy fanlarga e'tibor bermaslik oqibatida dunyoqarashi bir tomonlama shakllangan, o'zidan boshqani o'ylamaydigan, xalq, davlat va jamiyat tushunchalaridan begona bo'lgan va bugungi kunda chet ellarda "Boy berilgan avlod" deya atalayotgan yoshlar avlodni bizda ham vujudga kelmaydim?"[2].

Xulosa va takliflar. Xulosa qiladigan bo'lsak, bugungi kunda ijtimoiy-gumanitar fanlar postmodern jamiyat tendensiyalarining shaxs ma'naviy qiyofasiga salbiy ta'sirini kamaytirishga xizmat qiladigan eng muhim sub'ektiv omil vazifasini o'tamoqda. Shu boisdan ham jahoning barcha rivojlangan mamlakatlarda ularga bo'lgan e'tibor oshmoqda. O'zbekistonda ijtimoiy-gumanitar fanlarni shaxsni takomillashtiruvchi quadratli omilga aylantirish uchun ularni o'qitishning uzlusiz tizimini shakllantirish va rivojlantrish, oliy ta'lim muassasalarida ijtimoiy-gumanitar fanlarni o'qitishni bitta kafedrada va aniq fanlarga xos pedagogik texnologiyalar asosida amalga oshirish tajribasidan voz kechish, ijtimoiy fanlar bo'yicha ilmiy-tadqiqot institutlari va ilmiy-uslubiy markazlarni ko'paytirish, mutaxassislar tayyorlash tizimini takomillashtirish zarur bo'ladi. Postmodern jamiyatdagagi tendensiyalar bidaqda ta'limgartib tizimiga yangicha yondashuvni talab qilmoqda. Avvalo ilmiy muammoni va tadqiqot ob'ektini, mavzularini aniq belgilab olish zarur. Shundan keyin gumanitar fanlararo o'ziga xos "mehnat taqsimoti" va kooperativ aloqalarini amalga oshirish zarur bo'lsa, turli mutaxassislar jalb etilgan holda ilmiy laborotoriyalar tashkil qilinishi kerak.